



Fasnacht 2026

**GammlerCoin - Willsch au Du
mitprofitiere, kasch jetzt in
GammlerCoin investiere**

Hesch dangg Krüptoo au zvyyl Stutz?
Spendier de Gammler doch e Luz!

Mit Gammler Coins dien mir dir dr Tag versiesse,
Das isch vil nätter als wied ICE umezschieesse.

Am Ändi goots halt doch nur um Kies,
und meischtens föhlsch Di denn sehr mies,
Mit eme Coin kasch di au zum Rychtum triggse,
Di Kontostand so locker fixe.

Zum Jubiläum het unser Boortmenee sehr glitte,
drum mien mir das jetzt schnällschtens kitte,
für Coins gisch du uns bitte Frangge,
d Gammler sage eerlig dangge!

Krüptoo heisst unseri neuu Religion,
die Ungläubige reagiere mit vil Hohn,
Mir aber tien unseri Schoggi-Coins ahimmle,
Kumm, iss sie rasch, bevor sie schimmle.

